

Dr. M: Label 'ultra' ciptaan musuh2 politik saya

KUALA LUMPUR, Khamis. — Dr. Mahathir Mohamed berkata, gelaran "ultra" atau "pelampau" kepadanya itu dibuat oleh musuh-musuh politiknya sebagai cara mereka "mengalahkan" beliau.

"Untuk mengalahkan saya, mereka mengecap saya sebagai ultra-nasionalis," katanya dalam rancangan "30 Minit" di TV Malaysia, malam tadi.

Dalam rancangan itu, Timbalan Perdana Menteri telah menjawab soalan yang dikemukakan oleh tiga orang wartawan tempatan.

Bagaimanapun, Dr. Mahathir menganggap perkara tersebut sebagai lumrah dalam arena politik.

Dalam politiknya, kata beliau, kerap kali orang memberikan satu gelaran atau label kepada musuh politiknya, sebagai cara



DR. MAHATHIR

menjatuhkan mereka.

Mengikis

Tetapi, beliau membeberilah. Semua hal yang diperkatakannya itu ditimbulkan juga oleh semua orang.

"Apa yang saya perkatakan adalah perkara-perkara yang boleh diterima akal," katanya.

Kata Dr. Mahathir lagi, beliau tidak dapat mengikis imej atau gelaran yang diberi kepadanya itu.

Dalam wawancara itu, Timbalan Perdana Menteri juga menyentuh Dasar Ekonomi Baru yang sedang dilaksanakan sekarang.

Katanya, dasar tersebut telah berjaya mewujudkan golongan mewah dan kaya di kalangan kaum Bumiputra yang dulunya hidup serba miskin.

Bagaimanapun beliau tidak menyangkal ada orang-orang kaya yang bertambah kaya dan yang miskin menjadi lebih miskin akibat pelaksanaan dasar tersebut.

Tetapi, menurutnya, perkembangan itu bukan disebabkan oleh dasar tersebut.

"Amalan sistem perdagangan bebas kita, memang terdapat orang-orang yang kaya menjadi lebih kaya.

"Ini mungkin kerana orang-orang yang kaya agak lebih mudah mendapat pinjaman dari bank-bank untuk mengusahakan rancangan perusahaannya mereka."

Berniaga

Bagaimanapun, jelas Dr. Mahathir, tidak bermakna orang-orang yang miskin tidak langsung mempunyai peluang membaiki taraf hidup mereka setanding dengan mereka yang kaya dan mewah.

"Jika mereka berusaha serta melatih diri tentang cara-cara berniaga, sudah tentu mereka boleh menjadi kaya," katanya.

Ditanya mengenai buku karangannya berjudul "Malay Dilemma" yang diharamkan, Dr. Mahathir berkata, buku tersebut bukan saja tertumpu kepada masalah orang-orang Melayu, malah masalah-masalah ekonomi yang dihadapi oleh lain-lain kaum di Malaysia.

Mendalam

Buku tersebut, kata beliau, juga menganalisa secara mendalam masalah-masalah itu di samping memberikan syor-syor mengatasinya.

Beliau gembira sebabharian besar dari pembentukan Dasar Ekonomi Baru Kerajaan berasaskan syor-syor yang dikemukakannya, dalam buku tersebut.

Mengenai masa depan UMNO, Dr. Mahathir yang juga Pemangku Timbalan Presiden UMNO berkata, jenerasi muda yang ada sekarang mestilah mengambil bahagian cergas dan positif dalam bidang politik sekiranya mereka ingin mengekalkan pemerintahan parti itu.

Mengenai ITM, beliau berkata, krisis yang berlaku itu tidaklah begitu besar.